

攪炒區員插龍門惹內鬥

嫌常餐難食被「黃絲」鬧分化 仲出帖叫人尊重言論自由

網議政事

香港文匯報記者之前直擊報道「人血龍門(龍門冰室)」好難食,有班「黃絲」係都要話我哋「作文」。事實歸事實,攪炒派中西區區議員任嘉兒今次都幫理不幫「親」,佢係facebook出帖文,狂插龍門啲嘢難食,話「沙爹(嗱)牛肉咬唔開,同埋唔係沙爹(嗱)嚟、公仔麵(麵)未熟、咩鬼野(嘢)玉子好似蛋好貴咁落得少少蛋」。結果係點,咪又係俾心都言埋嘅一眾「黃納粹」叫佢刪post唔好講咁多嘢囉。

香港文匯報記者 甘喻

任嘉兒前晚11點嘅fb出post,話自己食龍門(冰室)食到「好想噉」。佢話,自己第一次食龍門(冰室),但個常餐就難食到懷疑自己「係咪得罪咗個廚師」,啲沙爹牛、公仔麵、玉子都唔掂嘅時候,得返多士同檸茶可以落肚。餓到暴走嘅佢仲話:「我真係係求有野(嘢)落肚咗!好肚餓咗!但我真係食唔落呀!我依(啱)家餓到好想噉!」

哦!你分化!一班「黃納粹」又衝上去留言鬧佢。「Bigtorres Wong」話:「唔好食味無下次囉,駛(使)唔駛(使)專登開post批評黃店?少做呢啲××嘢啦!」

「Hang Ng」亦批評:「你咁分化對唔得住『手足』啊?食完人血饅頭左(左)區議員就搞人地(啱)黃店!」「Andy Leung」質問:「係(啱)呢個殊死一戰嘅時候竟然話人地啲食物難食,不分化呢?」

「苦主」齊呻「人血龍門」好難食

不過,有啲時候問餐廳難食到一個點,就唔係叫停一個人唔好講就得嘅。唔少苦主嗰個post度貼圖同任嘉兒一齊呻。「Kenneth Yeung」貼咗張雞球公仔麵話:「上年,等左(左)一粒鐘既(啱)雞絲撈丁。一大塊雞絲……」



任嘉兒圖文並茂講「人血龍門」有幾難食。

「Ivester Lo」就貼咗個好樣嘅沙律:「\$67『廚餘沙律』,一開盒嘅狀況。」「黃振林」模擬對話揶揄:「碗麵好難食,老闆你落左(左)啲咩?理念,我落左(左)啲理念。」

任嘉兒死撐話「飽肚重要」

任嘉兒亦都「底氣十足」,過咗3個鐘再出post論飽肚嘅重要性,重申:「對唔住都要講句,我唔啱真係餓到崩潰咗,但叫完個餐我仲崩潰呀。」佢仲話,有唔少人叫佢刪post,「香港有言論自由,呢樣嘢係我地



有網民呻龍門冰室賣67蚊一盒嘅沙律,整到似「廚餘」咁。

網上截圖

(啱)一直捍衛(衛)緊……請你尊重我嘅言論自由,亦都可以unlike(取消讚好)我個page(專頁)。」

「獨人」黎耀駿仍然唔肯放過佢,質問佢係咪因為言論自由,就可以捉鬼、分化、割席、批鬥,「提點同批鬥係兩回事呀小姐,你睇你用咩語氣講先啦!」不過,「Bruce Lee」就幫任嘉兒手反擊:「而(啱)家捉左(左)張俊傑(龍門冰室老闆)出嚟遊街定打左(左)佢一鑊?都未綁起叫咩批鬥?」喂阿哥,「黃納粹」獨裁你第一日知咩,瞓咗幾耐啊?

攪炒派議辦搞團購涉牟私利



攪炒派屯門區議員張錦雄、元朗區議員林進、侯文健、關俊笙、伍健偉等以區議員名義,在辦事處內經營「團購」香米,有市民去信民政事務專員,質疑有關人等涉及利益關係。屯門民政事務專員就此發電郵予有關人等,要求他們注意並遵守《區議員及區議會轄下委員會成員操守指引》。

針對有關人等以議員辦事處為商家做生意,民政事務總署發言人表示,根據《區議員及區議會轄下委員會成員操守指引》,區議員不得濫用其區議員身份,以牟取私利或優待任何人士或機構,要求他注意並遵守操守指引的有關規定。

發言人表示,《有關香港特別行政區區議員酬金、津貼和開支償還款額安排的指引》訂明有關原則,包括區議員使用公帑時,須遵守公開、公平和問責的原則;區議員須確保辦事處是用于執行區議會職務,亦不得在區議員辦事處內進行商業活動或牟利活動等。就個別個案的查詢,署方會作適切跟進。

香港文匯報記者 郭家好

「篤灰欣」呢「政績」趕絕拾荒老街坊

網議政事

仇栩欣在fb帖文「邀功」,話她約見運輸署,要求署方加強巡查區內五金回收舖的違規行為。



網議政事

攪炒派區議員為咗證明自己有「政績」,繼早前淪落到要舉報「手足」非法賽車同外備違反「限聚令」,最新傑作竟然連拾鐵罐維生嘅老人家都唔放過。網民連群結隊批評東區區議員仇栩欣(「篤灰欣」)唔識民情,滅絕拾荒街坊嘅生路,仲寸佢「篤少日灰係咪會死?」其實,有啲攪炒「素人」自恃「年輕貌美」先有人支持,為咗填補佢地之善可陳嘅政績,「黃絲」同賣廢鐵賺錢街坊唔有忍讓吓嘞。

仇栩欣上個月向警方舉報外備違反「限聚令」,結果俾「黃絲」同「中箭(香港眾志)」鬧爆唔跟隊形,點知跪低認衰無耐,佢日前又係facebook邀功,話自己約見運輸署,要求署方加強巡查區內嘅五金回收舖,避免啲店舖將廢鐵擺出行車路,同晨早7點就打鐵擾人清夢嘅。

「Peter Chiu」就質問:「阿仇議員你有冇晨早6點落去睇吓,有幾多係(啱)附近嘅拾荒街坊推嚟賣紙?……你有冇接觸過回收舖去了解到回收業界係如何運作?」

「Miu Chu Chan」就「苦口婆心」咁

話:「的確回收舖是霸佔位置,的確都真係好嘈吓,但在急於向街坊邀功前都可了解一下回收行家的難處嘅。」

「Abraham Lai」就可憐晒回收舖:「宇宙有大量嘈(噪)音,修橋起路起高樓飛機升降……咁向弱者抽刀,皆因無權無勢無得走無法轉營無錢用技術處理,唯有坐定定係(啱)舖頭俾(畀)你(仇栩欣)出吓post。」

同道:咪成日郁啲趕人走啦!

曾任社民連副主席周諾恆亦開post暗寸仇

栩欣:「以前我做區議員助理嘅時候,啲阿婆來叫我幫手趕走回收五金既(啱)南亞人,我同阿婆講,『人地(啱)搵食(啱)唔係係好阻到地方,大家相就下好唔好呀?咪成日乜春都唔話趕人走啦!唔回收去堆填又好呀?你屋企有雪櫃要丟(扔)咪又係叫人地(啱)上黎(嚟)推,人地(啱)仲要俾(畀)返錢你!晒(啱)氣!」

「Wilson Chow」就貼咗張仇栩欣同警察傾偈嘅相話:「又係篤灰欣!」「Yue Lee」就揶揄:「人地(啱)做區議員做到有好多兵架(嚟)。」[Jay Rila]就慶幸話:「唔係深水埗區咩,二手家電回收、天光墟同夜墟……有排佢篤!」

香港文匯報記者 雨航

熱烈祝賀

十三屆全國人大三次會議 全國政協十三屆三次會議 圓滿閉幕



新鴻基地產
以心建家



熱烈祝賀

十三屆全國人大三次會議 全國政協十三屆三次會議 圓滿閉幕

方樹福堂基金

致意

